



11

764
5144
3



門7保4
號 5144
卷 6-3

五代會要卷十

刑法雜錄

宋

王

溥

撰

後唐同光三年六月二十一日大理寺奏准諸獄例立
春已後秋分已前不得奏決死刑違者徒一年今寺司
相次有案牘若准律文候秋分後申奏必慮刑獄遲留
者詔曰刑以秋冬雖關惻隱事多連累翻慮淹延若或
十人之中止於一夫抵罪豈可以輕附重禁錮逾時言
念哀矜又難全廢其諸司囚徒罪無輕重並宜各委本

司據罪詳斷輕者卽時疏理重者候過立春至秋分然後行法如係軍機須行嚴令或謀爲逆惡或蘊蓄姦邪或行劫殺人難於留滯並不在此限其年閏十二月二十五日大理少卿魏迥奏此後伏請指揮天下州府應所禁囚徒不計州縣廂邊大小刑獄委觀察使刺史慎選清強判官一員於本廳每月二十六日兩衙引問明置獄狀細述事端大則盡理推尋小則立限決遣其外縣鎮禁人三日外具事節申本州府仍勘問指揮奉勅宜依

會要卷十

天成元年十一月六日勅應天下刑獄公事訪聞近日多有冤滯自今後每捉到正賊但見贓驗便行正斷不在更追關連祇證及宿食去處

二年六月十二日大理少卿王爵奏伏准貞觀五年八月二十一日勅極刑雖令卽決仍三覆奏在京五覆奏決前三奏決日兩奏惟犯惡逆者一覆奏著於格令又准建中三年十一月十四日勅應決大辟罪在京者宜令行決之司三覆奏決前兩奏決日一奏謹按斷獄諸死罪囚不待覆奏報下而決者流二千里卽奏執應決

者聽三日仍行刑若限未滿而行刑者徒一年伏以人命至重死不再生近年以來全不覆奏或蒙赦宥已被誅夷伏乞勅下所司應在京有犯極刑者令決前決日各一覆奏聽進止有凶逆犯軍令者亦許臨時一覆奏應諸州府乞別降勅命指揮奉勅宜依

三年七月十七日勅節文今後指揮諸道州府凡有推鞠囚獄案成後逐處委觀察防禦團練軍事判官引所勘囚人面前錄問如有異同卽移司別勘若見本情其前推勘官吏量罪科責如無異同卽於案後別連一狀

云所錄問囚人無疑案同轉上本處觀察團練使刺史有案牘未經錄問不得便令詳斷如防禦團練刺史州有合申節使公案亦仰本處錄問過卽得申送其年八月十五日少府少監申著瑀奏伏乞指揮諸道州府此後或顯犯憲章者候文案畢任依格法斷懲如未明事理不得行責情杖從之其年閏八月勅古者賞以春夏刑以秋冬將賞爲之加膳將刑爲之不舉樂今朕切於禁暴樂在勸能其或秋後有功不可待冰泮而行賞春時有罪不可俟霜降而加刑漸向太平方行古道況賞

不在僭則立功者轉多刑不濫施則犯法者漸少其在京或遇行極法日宜不舉樂朕減常膳諸州使遇行極法日亦禁聲樂

長興二年四月二日勅諸道州府各置病囚院仍委隨處長吏專切經心或有病囚當時差人診候療理後據所犯輕重決斷如敢故違致本囚負屈身死本官吏並加嚴斷兼每年自夏初至八月末已來每五日一次差人洗刷枷杻其年閏五月勅應律令格式六典准舊制令百司各於其閒錄出本局公事具細一一抄寫不得

漏落纖毫集成卷軸兼粉壁書在公廳若未有廨署者其文書委官主掌仍每有新受官到令自寫錄一本披尋或因顧問之時須知次第仍令御史臺告諭限兩月內抄錄及粉壁書寫須畢其閒或有未可便行及曾釐革事件委逐司旋申中書

四年六月大理正張仁彖奏伏見諸道州府刑殺罪人雖有骨肉尋時不容收瘞皆給喪葬行人載於城內或殘害尸髮多致邀求准官獄令諸大辟罪官給酒食聽親故辭訣告犯狀日末後行刑注云決之經宿所司卽

五什管要 卷十
爲埋瘞若有親故亦任收葬又條諸囚死無親戚者官給棺於官地理瘞置磚銘於壙內立碑於冢上書其姓名請依令指揮從之其年七月前潞州屯留縣主簿李光鼎獻時務凡諸道推勘刑獄請令於本判官廳前當面責勘據通判疑狀判官與本司官典同封練候勘鞠了日都將印縫分付本典結案從之
應順元年三月十三日勅今後應三京及諸道州府凡有刑獄並須據罪斷遣除准勅勘鞠及合奏覆外其餘不得便將擬案聞奏

晉天福二年八月二十六日勅下刑部大理寺御史臺及三京諸道州府今後或有繫囚染病者並令逐處醫工看候於公廨錢內量支藥價或事輕者仍許家人看候所有罪犯合處杖責者仍候瘞復日科決
四年九月相州奏管內所獲賊人從來籍沒財產云是鄴都舊例格律未見明文勅今後凡有賊人准格定罪不得沒納家貲天下諸州准此

五年三月十日勅勞耳稱冤人准大中六年十二月十五日勅若有犯者決杖流配訴雖有理不在申明今後

所陳與為勘斷勢耳之罪准律別科

六年五月十五日尚書刑部員外郎李象奏請今後凡是散官不計高低若犯罪不得當贖亦不得上請詳定院覆奏應內外文武官有品官者自依品官法無品官者有散試官者應內外帶職廷臣賓從有功將校等並請同九品官例其京都軍巡使及諸道州府衙前職員內外離任鎮將等並請准律不得上請當贖其巡司馬步司判官雖有曾歷品官者亦請同流外職准律杖罪已下依決罰例徒罪已上仍依當贖法

周顯德五年七月新定刑統今

後定罪諸道行軍司馬節度副使副留守准從五品官例諸道兩使判官防禦團練副使准從六品官例節度掌書記防團判官兩藩營田等判官准從七品官例諸道推巡及軍事判官准從八品官例諸軍將校內諸司使司副供奉官殿直臨時奏聽聖旨

七年十一月二十九日勅宜令四京及諸道州府遇大祭祀正冬寒食立春立夏雨雪未晴已上日並不得行極法如有已斷下文案可取次日及雨雪定後施行開運三年十二月十三日詳定院奏今後在京及諸道州府如有准勅決笞杖者差一員公幹清強官監視從之

周廣順元年正月五日赦節文今後應諸色犯罪除反逆罪外並不得籍沒家貲誅及骨肉一依格令處分三年二月中書門下奏起今後應天下諸道州府斷遣死罪者候斷遣訖錄元案聞奏仍分明錄推司官典及詳斷檢法官姓名其檢用法條朱書不得漏落

顯德元年十月勅應諸司賊盜宜委本州府節度防禦團練等使刺史專切斷除其部內凡有賊盜及逃走軍健諸色亡命之人並須覺察設計差人收拏不計遠近以獲爲限應有婚姻鬪競賊盜公事仰逐處長吏躬親

鞫問仍令本州官不住提舉疾速區分庶光勅命凡有大辟罪斷訖其公案申奏今後仰抄錄要當事節兼於前面朱書罪人入禁至斷了日數聞奏

二年四月五日勅應諸道見禁罪人無家人供備喫食者每人逐日破官米二升不得信任獄子節級減消罪人口食仍令不住供給水漿掃灑獄內每五日一度洗刷枷杻如有病疾者晝時差人看承醫療

五年七月七日勅州縣自官已下因公事行責情杖量情狀輕重用不得過臀十五杖因責情杖致死者具事

由聞奏又勅諸盜經斷後仍便行盜前後三犯並曾經
官司推問伏罪不問赦前後贓多少並取決殺

歷

逐朝歷名

黃帝起用辛卯歷 顓頊用乙卯歷 虞用戊午歷

夏用丙寅歷 商用甲寅歷 周用丁巳歷

魯用庚子歷 秦用乙卯歷 漢用太初歷

四分歷 三統歷用三本 魏用黃初歷

景初歷用二本 晉用元始歷 合元萬分歷用

二本 宋用大明歷 元嘉歷用二本

齊用天保歷 同章歷 正象歷用三本

後魏用興和歷 正光歷 正統歷用三本

梁用大同歷 乾象歷 永昌歷用三本

後周用天和歷 丙寅歷 明元歷用三本

隋用甲子歷 開皇歷 皇極歷

大業歷用四本 唐用戊寅歷 麟德歷

神龍歷 大衍歷 元和觀象歷

長慶宣明歷 寶應歷 正元歷

景福崇元曆

用九本

晉天福四年八月司天監馬重績奏曰臣聞爲國者正一氣之元宣萬邦之命爰資曆象以立章程長慶宣明雖氣朔不渝卽星躔罕驗景福崇元縱五麗甚正而年差一日今以宣明氣朔崇元星緯二曆相參方得符合況自古諸曆皆以天正十一月爲歲首循太古甲子爲上元積歲彌多差濶之甚臣改法定元創爲新曆一部二十一卷七章上下經二卷算草八卷立成十二卷取天寶十四載乙未立爲上元以雨水正月中氣爲氣首

其所撰新曆謹詣閣門上進遂命司天少監趙仁錡張文皓秋官正徐皓天文參謀趙延義杜崇龜等以新曆與宣明崇元考覈得失勅賜號調元曆仍命翰林學士承旨和凝撰序

周顯德三年八月端明殿學士左散騎常侍權知開封府事王朴奏曰臣聞聖人之作也在乎知天人之變者也人情之動則可以言知之天道之動則當以數知之數之爲用也聖人以之觀天道焉歲月日時由斯而成陰陽寒暑由斯而節四方之政由斯而行夫爲國家者

履端立極必體其元布政考績必因其歲禮動樂舉必正其朔三農百工必授其時五刑九伐必順其氣庶務有爲必從其日月六籍宗之爲大典百王執之爲要道是以聖人受命必治歷數故得五紀有常度庶徵有常應正朔行之于天下也自唐而下凡歷數朝亂日失天垂將百載天之歷數汨陳而已今陛下順攷古道寅畏上天咨詢庶官振舉墜典以臣薄游曲藝嘗涉舊史遂降述作之命俾究迎推之要雖非能者敢不奉詔是以包萬象以立法齊七政以立元測圭箭以候氣審臑胸

以定朔明九道以步月校遲疾以推星考黃道之斜正辨天勢之升降而交蝕詳焉夫立天之道曰陰與陽陰陽各有數合則化成矣陽之策三十六陰之策二十四奇偶相命兩陽三陰同得七十二同則陰陽之數合七十二者化成之數也化成則謂之五行之數五之得朞之數過者謂之氣盈不及謂之朔虛至於應變分用無所不通所謂包萬象矣故以七十二爲經法經者常也常用之法也百者數之節也隨法進退不失舊位故謂之通法以通法進經法得七千二百謂之統法自元八

經先用此法統歷之諸法也以通法進統法得七十二萬氣朔之下收分必盡謂之全率以通法進全率得七千二百萬謂之大率而元紀生焉元者歲月日時皆甲子日月五星合在子正之宿當盈縮先後之中所謂七政齊矣古之植圭於陽城者以其近洛故也蓋尙嫌其中乃在洛之東偏開元十二年遣使天下候影南距林邑國北距橫野軍中得浚儀之嶽臺應南北弦居地之中皇家建國定都於梁令樹圭置箭測嶽臺晷漏以爲中數晷漏正則日之所至氣之所應得之矣日月皆有

盈縮日盈月縮則後中而朔月盈日縮則先中而朔自古朧胸之法率皆平行之數入歷既有前次而又衰稍不倫皇極舊術則迂迴而難用降及諸歷則疎遠而多失今以月離朧胸隨歷校定日躔朧胸臨用加減所得者入離定日也一日之中分爲九限逐限損益衰稍有倫朧胸之法可謂審矣赤道者天之絃帶也其勢圓而平紀宿度之常數焉黃道者日軌也其半在赤道內半在赤道外去極遠二十四度當與赤道近則其勢斜當與赤道遠則其勢直當斜則日行宜遲當直則日行宜

五代會要 卷十
速故二分前後加其度二至前後減其度九道者月軌也其半在黃道內半在黃道外去極遠六度出黃道謂之正交入黃道謂之中交若正交在秋分之宿中交在春分之宿則比黃道益斜若正交在春分之宿中交在秋分之宿則比黃道反直若正交中交在二至之宿則其勢差斜故校去二至二分遠近以考斜正乃得加減之數自古雖有九道之說蓋亦知而未詳空有祖述之文全無推步之用今以黃道一周分爲八節一節之中分爲九道盡七十二道而復使日月二軌無所隱其斜

正之勢焉九道之法可謂明矣星之行也近日而疾遠日而遲去日極遠勢盡而留自古諸曆分段失實隆降無準今日行分尙多次日便留自留而退惟用平行仍以入段行度爲入厯之數皆非本理遂至乖戾今校定逐日行分積逐日行分以爲變段於是自疾而漸遲勢盡而留自留而行亦積微而後多別立諸段變厯以推變差俾諸段變差際會相合星之遲疾可得而知之矣自古相傳皆謂去交十五度以下則日月有蝕殊不知日月之相掩與闔虛之所射其理有異焉今以日月徑

五代會要 卷十
度之大小校去交之遠近以黃道之斜正天勢之升降
度仰視旁視之分數則交虧得其實矣乃以一篇步日
一篇步月一篇步星以卦候沒滅爲之下篇都四篇合
爲歷經一卷歷十一卷草三卷顯德三年七政細行歷
一卷臣檢討先代圖籍今古歷書皆無蝕神首尾之文
蓋天竺胡僧之妖說也近自司天卜祝小術不能舉其
大體遂爲等接之法蓋從假用以求徑捷於是乎交有
逆行之數後學者不能詳知便言歷有九曜以爲注歷
之常式今並削而去之昔在唐堯欽若昊天陛下親降

聖謨考歷象日月星辰唐堯之道也其歷謹以顯德欽
天爲名天道元遠非微臣之所盡知但竭兩端以奉明
詔疎畧乖謬甘俟罪戾世宗覽之親爲製序仍付司天
監行用以來年正旦爲始自前諸歷並廢

渾天儀

後唐清泰三年十一月遣司天少監趙仁錡往汴州取

渾天儀

先是梁朝曾造自汴梁久在汴州故司天監胡果奏取竟以舊渾天儀損折不能施用

漏刻

晉天福三年二月司天臺奏臣等准漏刻經云漏刻之

五代會要 卷十 三
制起自軒轅所以上揆天時下著人事是故日行有南北暑漏有長短以黃道去極之度而求漏刻日移之變夫中星晝夜一百刻分爲十二時每時有八刻三分之一假令符天以六十分爲一刻一時有八刻二十分四刻十分爲正前十分四刻爲正後二十分中必爲時正上古以來皆依此法自唐室將季黃巢犯京既失舊經漏刻無准伏以見行漏刻自午初四刻元稱巳時巳入未時猶打午正若不改更終成錯誤今欲每時初打一

起卽上同往古下驗將來奉勅宜依令本司集寮屬討定奏聞者臣等據諸家歷數及太霄論漏刻等經皆以晝夜百刻分爲十二時每時有八刻三分之一凡一時以打一刻起於時初入刻終於時正近取到水秤較驗方知見行漏刻差誤假令以午時爲例從午時五刻上行作午時一刻侵至未時四刻始滿八刻方終午時此則午未兩時中各取半合爲一時也自日出後至日入以來時刻皆如此例相侵伏乞改正從時初打一刻至四刻後進正牌八刻終爲一時後時卻從初起時辰自

正晷漏無差從之

地震

後唐莊宗同光二年十一月鎮州地震三年十一月二

十五日夜魏府徐泗地大震

明宗天成二年七月鄭州地大震殺二人長興二年六

月太原地震自二十五日未時至二十七日申時二十

餘度左補闕李祥上疏曰臣聞天地之道以簡易示人

見而必驚罔不寅畏上元思答天譴臣聞北京地震日

宜安靜今晉州地震彌旬不休將恐女謁用事臣下陰

數稍多臣曾覽國書伏見高宗時晉州地震時侍中張

興唐祚起自晉陽地數震於帝鄉理合思於天戒況聖

使致祭山川所損之家委量事制置奏聞伏惟陛下中

謀且晉州是陛下本封今地震焉尤彰其應伏願深思

遠慮以杜未萌又開元中秦州地震尋差官宣慰兼降

兼選助賢且往北京安慰密令巡察問黎民之疾苦嚴

崇不諱之風罷不急之務上

周太祖廣順三年十月魏邢洛地震累日凡十餘度鄴

都宮署內尤甚屋瓦皆墮

日蝕

梁太祖一開平五年正月丙戌朔太史言案前史漢高

祖末年日蝕于歲首上甚惡之于是素服避

正殿命百官各守本司
降勅赦宥罪以答天譴

少帝一 龍德三年十月
辛未朔日蝕

後唐莊宗一 同光三年四月癸亥朔司
天奏日蝕在卯主歲大旱

明宗五 天成年八月乙酉朔二年八月己卯朔三年
二月丁丑朔其日陰冥不見至夕大雨二年十一月

甲申朔先是司天奏計朔日合食二分伏緣所食微少
太陽光影相鑠伏恐不辨虧缺請

其日不入閣百官不守司從之

晉高祖四 天福二年正月乙卯朔先是司天奏正月二
日太陽虧十分內蝕三分在尾宿十七度日出東方已

帶蝕三分漸生至卯時復滿三年正月戊申朔司天先
奏其日日蝕至日不蝕內外稱賀四年七月庚子朔中

書門下奏謹案舊禮曰有變天子素服避殿太史以所

司救日于社陳五兵五鼓五麾東戟西矛南弩北楯中
央置鼓服從其位百職廢務素服守司重列于廷每等
異位向日而立明復而止今所司法物咸不能具去歲
正旦日蝕唯謹藏兵仗皇帝避正殿素服百官守司今
且欲依舊禮施行從之七年四月甲寅
朔是日百官守司太陽不蝕上表稱賀

少帝四 天福二年四月甲子朔開運元年九月庚
午朔二年八月甲子朔三年二月壬戌朔

漢隱帝三 乾祐元年六月戊寅朔二年六
月癸酉朔三年十一月甲子朔

周太祖一 廣順二年四
月丙戌朔

月蝕

梁太祖一 開平四年十一月十四日夜先是司天奏是
追之不及至五年正月二日

果為後唐莊宗大敗于柏鄉

後唐莊宗二

同光三年五月戊申其年九月甲辰

明宗三

天成三年十二月乙卯四年六月癸丑望其年十二月庚戌

晉高祖二

天福二年七月丙寅五年十一月丁丑

少帝二

開運元年三月戊子其年九月丙戌

漢高祖一

天福十二年十二月乙未

周世宗二

顯德三年正月戊申五年十一月辛未

彗孛

梁乾化二年四月甲戌夜彗見於靈臺之西

五月以彗星謫見降

赦宥罪以答天譴

後唐天成三年十月庚午夕西南有孛長丈餘東南指在牛宿五度三夕不見

清泰三年九月己丑彗出虛危長尺餘形細微經天壘

哭星

其年閏十一月廢帝遇難於洛陽晉高祖登位

晉天福六年九月壬午有彗星長丈餘

其年十二月安重榮連謀舉兵

向闕敗于宗城縣

八年十月庚戌夜有彗見於東方西指尾長一丈在角

九度

其年十二月青州楊光遠叛命

周顯德三年正月壬戌夜有星孛於參宿其芒指於東

長興四年八月己未夜五鼓三籌熒惑近天高星歲星

近司怪星太白近軒轅大星是年十一月二十

清泰三年五月丙申夜熒惑歲星相犯于軒轅又犯大

星其年降制除晉高祖為鄆州節度使晉祖不受詔

晉開運元年十月壬戌夜熒惑犯哭星司天監趙延義奏元楊鬼方陰

之所治司命哭位生乎熒火猛而代其徵也急齊地將有覆破象多伏法而死者其年十二月青州叛帥楊光遠子承勛斬其同謀逆人邱濤等以城降光遠尋亦被誅

漢乾祐二年十一月辛亥夜鎮星始出太微之左掖門

自戊申歲八月己丑鎮星入太微垣犯上將左右執法內屏謁者句已往來凡四百四十三日方出左掖

周顯德六年六月十八日熒惑與心大星合度光芒相射其月十九日世宗崩先熒惑句已于房心間凡數月至上臨崩之前一夕與心大星合度是夜順行

星聚

後唐同光二年八月甲申歲星熒惑合在翼十四度

天成三年九月庚辰鎮星歲星合于箕辛巳太白熒惑

合於軫

晉天福三年四月癸巳夜五鼓三點後太白與鎮星合

太白在鎮星北一寸光芒相接鎮星在婁宿二度順行

黃道內一度太白在婁宿二度順行黃道內一度宿度在徐

魯之分日辰
在荆楚之分

漢天福十二年六月鎮星太白熒惑歲星聚于張宿占
有帝王興于周者漢高祖起義兵自平陽趨洛以應之
及隱帝將嗣位又封周王暨周太祖登位以姬姓之後
復繼宗周天人之符乃有所屬

流星

梁乾化元年十一月甲辰夜東方有流星如數升器自
畢宿口曳光三丈餘有聲如雷

後唐同光三年六月庚寅夜一鼓西南有流星約七十
餘皆有尾迹西南流其年七月貞
簡皇太后崩

長興二年九月丙戌夜二鼓初東北方有小星流入北
斗魁滅至五鼓初西北方次北有流星狀如半升器初
小後大速流入奎滅尾迹疑天屈曲如雲而散光明燭
地又東北有流星如大桃出下台星向西北速流至斗
柄第三星旁滅五鼓後至明中天及四方有小流星百
餘流注交橫

清泰元年九月辛丑夜五鼓初有大星如五斗器西南
流尾迹長數丈色赤移時盤屈如龍形蹙縮如二鐮相
鬪而散又一星稍小東流有尾迹凝成白氣食頃方散

晉天福三年三月壬申夜四鼓後東方有大流星狀如三升器其色白尾迹長二尺餘屈曲流出河鼓星東三尺東流丈餘滅

周顯德三年正月癸亥五鼓後有大星出南斗僚東北流丈餘滅

山摧山摧後唐長興三年七月夔州奏赤甲山崩雲而增光開

水溢水溢梁開平四年十月青宋冀毫水詔令本州以省倉粟麥

等賑貸

後唐同光二年十二月中書門下奏今年秋天下州府多有水災百姓所納秋稅請特放加耗從之
三年六月至九月大雨江河決壞民田七月洛水泛漲壞天津橋漂近河廬舍艤舟爲渡覆沒者日有之鄴都奏御河漲於石灰窰口開故河道以分水勢鞏縣河決沖注廩倉八月勅如聞天津橋未通往來百官以舟船濟渡因茲傾覆兼踏泥塗自今文武百官可三日一趨朝宰臣卽每日中書視事

四年正月勅自京以東幅員千里水潦爲沴流亡漸多宜自今月三日後避正殿減膳徹樂省費以答天譴應去年經水決處鄉村有不逮及逃移人戶差科夏秋兩稅及諸折料委逐處長吏切加檢點並與放免仍一年內不得雜差遣應在京及諸縣有停貯斛斗並令減價出糶以濟公私如不遵守仰具奏聞

長興三年七月諸州大水宋毫穎尤甚宰臣奏曰今秋宋州管界水災最甚人戶流亡粟價暴貴臣等商量請於本州出斛斗依時估出糶以救貧民兼大水之後頗

少宿麥窮民不辦種子亦望本州據人戶等第支借麥種自十石至三石候來年收麥據原數卻令送納從之清泰元年九月連雨害稼詔曰久雨不止禮有祈禳崇都城門三日不止仍祈山川告宗廟社稷宜令太子賓客李延範等禱諸城門太常卿李懌等告宗廟社稷晉天福四年七月西京大水伊洛瀍澗皆溢壞天津橋八月河決博平甘陵大水

六年九月河決于滑邢一漑東流居民登邱冢爲水所隔詔所在發舟船以救之兗州濮州界皆爲水所漂溺

命鴻臚少卿魏珙將作少監郭廷讓右領衛將軍安濬右驍衛將軍田峻于滑濮瀘鄆四州檢河水所害稼并撫問遭水百姓兗州又奏河水東流闊七十里水勢南流入沓河及揚州河至七年三月命宋州節度使安彥威率丁夫塞之河平建碑立廟于河決之所

七年四月詔曰近年已來大河頻決漂蕩戶口妨廢農桑言念蒸民用茲凋弊凡居牧守皆委山河旣在封圻所宜專切今後宜令沿河廣晉府開封府尹逐處觀察防禦使刺史等並兼河堤使名額任便差選職員分劈

句當有堤堰怯薄水勢沖注處預先計整不得臨時失於防護

開運元年六月黃河洛河泛溢壞堤堰鄭州原武滎澤縣界河決

周廣順二年七月暴風雨京師水深二尺壞牆屋不可勝計諸州皆奏大雨所在河渠泛溢害稼

三年六月諸州大水襄州漢江泛溢壞羊馬城大城城內水深一丈五尺倉庫漂盡居人溺者甚眾

火

後唐天成四年十一月汝州火燒羽林軍營五百餘間
先是司天奏熒惑入羽林請京師備火至是應之

長興二年四月汴州封禪寺門上忽有火起延燒近寺
廬舍稍次黎福縣亦火

三年十二月懷州軍營內三處火光自起人至即滅不
焚廬舍

晉天福三年十一月襄州奏火焚居民千餘家

周顯德五年四月吳越王錢宏俶奏十日夜杭州火焚
燒府署殆盡上命中使齎詔恤問

蝗

梁開平元年六月許陳汝蔡潁五州蝻生有野禽羣飛
蔽空食之皆盡

後唐同光三年九月鎮州奏飛蝗害稼

晉天福七年四月山東河南關西諸郡蝗害稼至八年
四月天下諸道州飛蝗害稼食草木葉皆盡詔州縣長
吏捕蝗華州節度使楊彥詢雍州節度使趙瑩命百姓
捕蝗一斗以祿粟一斗賞之
時蝗旱相繼人民流遷饑者盈路關西餓孀尤甚死
者十有七八朝廷以軍食不充分命使臣諸道括借粟麥晉氏自此季矣

漢乾祐元年七月青鄆兗齊濮沂密邢曹皆言蝥生開
 封府奏陽武雍邱襄邑等縣蝗開封尹侯益遣人以酒
 肴致祭尋為鸚鵒食之皆盡勅禁羅弋鸚鵒以
 其有吞蝗之異也
 二年五月博州奏有蝥生化為蝶飛去宋州奏蝗一夕
 抱草而死差官祭之復命尚書吏部侍郎段希堯祭東
 岳太府卿劉皞祭中嶽皆慮蝗螟故也

木冰

漢天福十二年十一月二日旦天大昏霧木有冰至十
 一日霜露著草皆為冰時魏府杜重威叛命車駕親征
 駐蹕城下其月二十七日杜重

威乞降至來年正月
 二十七日高祖崩

周廣順三年十二月一日雨水冰

其月命宰臣馮道奉
 迎太廟神主赴東京

新廟是日上親迎神主于西郊
 至來年正月十七日太祖崩

雜災變

後唐同光三年九月丁未夜徧天陰雲北方有聲如雷
 雉皆雊俗呼曰天狗墜

天成二年二月乙酉日中有黑氣狀如雞卵其年十二
 月壬辰酉時西南方有赤氣如火焰約二千里占者云
 不出二

年其下當
 有大兵

應順元年四月九日白虹貫日

是日愍帝遇弒于衛州

清泰元年十月辛未巳時有雉金色自南飛入中書止

于政事堂屋脊上吏驅之不去良久北飛於民家得之

其月僕射平章事李愚罷相守本官吏部尚書劉昫罷相守右僕射

三年三月有蛇鼠鬪於獅子門外鼠殺蛇

其年晉高祖起義兵於太原

晉天福二年正月二日夜初北方有赤氣西至戌亥地
東北至丑地南北闊三丈餘狀如火光赤氣內見紫微
宮及北斗諸星至三點後內有白氣數條次行至西夜

半子時方散

開運元年正月乙未大霧中有白虹相偶

占者云海淫所興其將有

戰時車駕在澶州與契丹相守

其年七月一日改元開運是夜大雷雨

明德門內并有石槽槽有龍首其夕漂流十數步而龍

首斷焉

占者云石國姓也而龍首斷焉大不吉之象晉祚果終于開運

開運二年正月東京封邱門外石壕內有文若大樹花

葉芬敷之狀相連數十株宛若圖畫

唐景福中盧彥威鎮滄州壕水如此

時有高尼辭州人曰時將不安宜速避之至光化元年幽州果為劉仁恭所陷

漢乾祐元年三月中書廚釜鳴者七

是月中書侍郎平章事李濤罷免勒

歸私第

三年正月有狐出明德門樓獲之比常狐毛長腹別有二足其年閏五月癸巳京師西北風暴雨至戴婁門外壞營舍瓦木吹鄭門門扉起十餘步落拔大樹數十震死者六七十人平地水深尺餘其年十一月帝與左右郭邠史宏肇等至其月二十二日隱帝遇害

周廣順三年六月河南河北諸州旬日無鳥既而聚澤潞之間山谷中集於林木壓折樹枝是年人疾疫者甚眾至顯德元年河東劉崇為周師所敗伏屍流血故先萌其兆

顯德元年三月潞州高平縣有鵲巢於縣郭之南平地巢中七八雛

六年二月癸巳有一人弊衣冠闌入中書升政事堂吏叱之曰爾何人據牀而坐何人遣爾至此其人曰宋州官家教我來此吏具其事白于宰臣宰臣密令遣之尋不知所適其年六月十九日世宗崩明年正月四日大宋受命其年六月辛卯辰巳閒京師天地晦冥澍雨驟降雨中有腥氣是日世宗崩

雜錄

後唐同光二年九月司天奏請禁天下造私厯者從之

周廣順三年八月勅自今後元象器物天文圖書識記七曜歷太乙雷公式法等私家不得有及衷私傳習有者並須焚毀司天臺翰林院本司職員不得以前代所禁文書出外借人傳寫其諸時日五行占筮之書不在禁限每年歷日須候本司再算造奏定方得雕印本司不得衷私示外如違准律科罪

顯德三年八月勅應諸色陰陽占卜書宜令司天臺翰林院集官詳定其書如是曾經前代聖賢行用合正道者只可存留其有淺近妖妄不依典據者並可毀廢

功臣

梁開平三年十月詔曰太保韓建每月旦十五日入閣稱賀卽令赴朝參餘時勿用入見示優禮也

乾化元年正月勅許昌雄鎮太保韓建朕用之布政民耕盜止久居其位庶可勝殘矣宜令中書門下不計年月勿議替移

後唐同光三年八月內詔冊吳越王錢鏐其印宜以吳越國王之印爲文仍令所司以金鑄造示異禮也

天成四年六月勅故平盧軍節度使霍彥威勛名顯著

宅兆已營爰遵定謚之規俾議送終之制宜以三公禮葬

長興二年四月詔曰周崇呂望有尙父之稱漢重蕭何有不名之禮錢鏐冠公侯之位疏吳越之封宜示異恩俾當緝禮其錢鏐宜賜不名其年六月以唐文正公魏徵八代孫韶爲涇州安定縣主簿

晉天福二年七月以唐忠武公李晟五代孫熾爲將仕郎耀州司戶參軍

封建

梁開平元年四月封湖南節度使馬殷爲楚王五月封河南尹張全義爲魏王兩浙節度使錢鏐爲吳越王皇兄全昱爲廣王依舊守太師致仕皇從子友謙爲冀王友諒爲衡王友能爲惠王友誨爲邵王

二年正月追封皇從子友寧爲安王友倫爲密王五月封滄州節度使劉守文爲大彭郡王幽州節度使劉守光爲河間郡王許州節度使馮行襲爲長樂郡王三年三月進封靈武節度使韓遜爲潁川郡王四月進封易定節度使王處直爲北平王福建節度使王審知

爲閩王廣州節度使劉隱爲南平王同州節度使劉知俊爲大彭郡王山南東道節度使楊師厚爲弘農郡王追封故河中節度使王重榮爲晉王七月進封幽州節度使劉守光爲燕王

四年四月進封廣州節度使劉隱爲南海王追封皇兄存爲朗王六月追封皇伯義方爲潁王皇叔義譚爲韶王

乾化元年五月進封延州節度使高萬興爲渤海郡王二年二月追封故魏博節度使羅弘敬爲趙王

後唐同光元年十一月進封延州節度使高萬興爲北平王

二年二月改封河南尹判六軍諸衛事張全義爲齊王三月進封荆南節度使高季興爲南平王四月封夏州節度使李仁福爲朔方王

天成二年五月封福建節度使王延鈞爲瑯琊王六月封湖南節度使馬殷爲楚國王

三年七月追封僞蜀主王衍爲順正公以諸侯禮葬進封福建節度使王延鈞爲閩王

長興四年二月封東西兩川節度使孟知祥爲蜀王五月封皇從子從溫爲克王從璋爲洋王從敏爲涇王追封故夏州節度使李仁福爲號王七月進封兩浙節度使錢元瓘爲吳王

應順元年正月封荆南節度使高從誨爲南平王湖南節度使馬希範爲楚王進封兩浙節度使錢元瓘爲吳越王

清泰元年六月封幽州節度使趙德均爲北平王青州節度使房知溫爲東平王七月封鳳翔節度使李從曠

爲西平王

晉天福元年十二月追封故東丹王李贊華爲燕王

二年五月封魏博節度使范延光爲臨清王青州節度

使王建立爲臨淄王封鳳翔節度使李從曠爲岐王十

一月進封兩浙節度使錢元瓘爲吳越國王追封故昭

義軍節度使李嗣昭爲韓王

三年四月進封鳳翔節度使李從曠爲秦王青州節度

使王建立爲東平王九月改封鄆州節度使范延光爲

高平郡王

五年三月進封昭義節度使王建立為韓王九月進封青州節度使楊光遠為東平王十一月進封福建節度使王延義為閩國王

六年十二月封兩浙節度使錢宏佐為吳越國王

七年正月追封皇弟敬德為福王敬殷為通王

八年三月進封淄青節度使楊光遠為壽王

漢天福十二年七月封湖南節度使馬希廣為楚王十月封魏博節度使高行周為鄴王七月追封故韓王王建立為秦王

乾祐元年八月封兩浙節度使錢宏俶為嗣吳越國王

二年十一月封兩浙節度使錢宏俶母吳氏為順德夫

人封贈之制婦人有國邑之號死乃有謚近梁朝賜張全義妻儲氏為賢懿夫人又改莊惠蓋當時特恩非舊典也

三年十二月追封故順德太夫人吳氏為恭懿夫人

周廣順元年正月進封鄆州節度使高行周為齊王封

山南東道節度使安審琦為南陽王淄青節度使符彥

卿為淮陽王夏州節度使李彝殷為隴西郡王荆南節

度使高保融為渤海郡王靈武節度使馮暉為陳留郡

王追封故樞密使楊邠為宏農郡王故三司使王璋為
瑯琊郡王故侍衛親軍馬步軍都指揮使史宏肇為鄭
王四月追封故許州節度使劉信為蔡王

二年六月追封故靈武節度使馮暉為衛王八月追封
故齊王高行周為秦王

顯德元年正月進封山南東道節度使南陽王安審琦
為陳王淮陽王符彥卿為衛王渤海郡王高保融為南
平王隴西郡王李彝殷為西平王四月追封故中書令
馮道為瀛王七月進封衛王符彥卿為魏王

六年二月追封故陳王安審琦為齊王

雜錄

後唐天成二年七月中書門下奏湖南節度使馬殷封
楚國王禮文不載國王之制請約三公之儀用竹冊從
之

封嶽瀆

梁開平元年九月封鎮東軍神祠為崇福侯從兩浙其
年十一月封福州閩縣玷琦里右廟為昭福祠從福建
後唐長興二年七月封故閩越王无諸為富義王從福建

度使王延鈞奏也

四年七月封泰山三郎為威雄大將軍

時上不豫劉遂清引泰山僧進

風藥用之小康其僧請封泰山三郎遂從之時以為妖惑之甚

清泰元年六月封吳嶽成德公為靈應王

初廢帝在鳳翔將謀入冀

大位潛令人禱吳嶽冀獲資助及即尊位乃詔有司別議封崇中書門下奏唐天寶十載正月封吳山為成德公與沂山會稽醫巫閭同封至德二載十二月改吳山為嶽祀享官屬一同五嶽今國家以祈禱靈應宜示殊禮臣等商量請加封為靈應王從之 其年十一月勅杭州護國廟改封

崇德王城隍神改封順義保寧王銅官廟改封福善通

靈王湖州城隍神封阜俗安城王越州城隍神封興德

保闔王

從兩浙節度使錢元瓘奏也

晉天福二年五月勅青草湖廟安流侯改封廣利公洞

庭湖廟利涉侯改封靈濟公磊石廟昭靈侯改封威顯

公黃陵二妃懿節廟改封昭烈廟

從湖南節度使馬希範奏也

其年

八月勅唐衛國公李靖宜封靈顯王

按史傳鄭州東陂田後魏孝文皇帝

賜僕射李仲顯俗因謂僕射陂仍立祠廟年祀綿遠時俗誤傳為李靖祠明宗征朱守殷經過制贈太保遣左散騎常侍蕭希甫就行冊命仍立石記于廟目為唐衛公李靖之祠暨今封王蓋傳習之誤也

七年十月封襄州利市廟為顯正王

漢乾祐三年八月封蒙州城隍神為靈感王

從湖南節度使馬希

也
範奏

五代會要卷十一

Blank text area with vertical lines, likely a table or list.

五代會要卷十二 日煉令

宋 王 溥 撰

寺

後唐天成元年十一月敕應今日已前修葺得寺院無
令毀廢自此後不得輒有建造如有願在僧門亦宜準
佛法格例官壇受戒不得衷私剃度

三年六月七日敕應天下大寺及敕賜名額院宇兼有
功德堂殿樓閣已成就者各勒住持其餘小小占射或
施捨及置買目下屋宇雖多未有佛像者並須量事估

五代會要 卷十一
價一時任公私收買其住持僧便委功德使及隨處長
吏均配於大寺安止如院在僻靜之處舍宇無多不堪
人承買者便仰毀拆其材木給付本僧田地任人請射
仍限敕到後十日內並須通勘騰併了絕如敢遷延及
有故違其所犯僧徒二年尼杖七十並勒還俗若有形
勢借庇當移不移誑惑官中更求院額既達聽聞所知
之人不係官位高低並行朝典如要增修福利則任於
合留寺院內興功

晉天福四年十二月敕今後諸道州府城郭村坊不得

創造寺宇所有自前蓋者即依舊住持

開運二年七月左諫議大夫李元龜奏天下寺宇房屋
近日多聞元住僧轉與相典貼伏乞明行止絕從之
周顯德二年五月六日敕條流僧尼畫一如後一諸道
州府縣鎮村坊應有敕額者一切仍舊其無敕額者並
仰停廢所有功德神像及僧尼與限一月騰併於逐處
州軍縣鎮合留寺院內安置所有殿堂屋宇仰封鎖收
管所有資財衣鉢斛斗孳畜什物並仰分付本主一天
下諸縣城郭內若無敕額寺院只於停廢寺院內選功

五代會要 卷十二
德屋宇最多者或寺或院僧尼各留一所若無尼處只留僧寺院一所其在軍鎮及偏鎮坊郭戶及二百戶以上者亦依諸縣例指揮如邊遠州郡無敕額寺院處於停廢寺院內僧尼各留兩所一兩京諸道州府除見留寺院外今後不限城郭村坊山林勝境古跡之地並不得創造寺院蘭若如有僧尼俗士輒違敕命者其主首及同勾當人並徒三年仍配役其僧尼勒還俗本州府錄事參軍本判官本縣令佐並除名配流地分廂鎮職員所由當並嚴斷長吏奏請進止一王公戚里諸道節

刺已上今後不得奏請創造寺院及請開置戒壇如違仰御史臺彈奏
四年九月賜京城內新修四寺額以天清顯靜顯寧聖壽爲名

燃燈

梁開平三年正月敕兵革方偃久廢燃燈屬在上春務達陽氣宜於正月上元前後三晝夜開坊市門一任公私燃燈祈福

周廣順三年七月京城民晁諸殷等爲永壽節請各於

門首齋僧燃燈三晝夜從之

雜錄

後唐天成元年十月十一日敕上國兩街僧道自前賜師號不數人而已至於賜紫並係特恩近日諸道州府因應聖節表薦僧道頗多宜令中書門下此後凡有諸處不係應聖節及橫薦僧道不得等閒申發章表請行命服師號

二年六月七日敕應條流三京諸道州府縣鎮寺院僧尼事一訪聞近日僧尼等或因援請託以便參尋既往來以爲常致奸訛之有倖自此後如有官中齋會行香顯有告援及大段齋供請命卽行依時赴會除此外不計齋前齋後僧尼不得輒有相過如敢故違仰逐處坊界所由及巡司節級晝時擒捉並準姦非例處斷其所犯人衣物資財便充捉事人優賞如有人詰告不虛準此酬賞一此後如有修補寺宇功德要開講求化須至斷屠之月卽得於大寺院開啟仍許每寺只開一坐兼不得僧於尼寺內開講尼亦不得將功德事請僧於諸寺開講如敢故違法師兼功德主僧徒三年尼並逐出

五代會要 卷十二 四
城其坊界及諸營士女不因三場齋月開講亦不得過
僧舍如公然通同許捉獲所犯人並加極法今後僧不
因道場及齋會不得公然於俗舍安下住止如違準上
科斷一訪聞僧尼寺院多有故違條法衷私度人此後
有志願出家準舊例經官陳狀比試所念經文則容剃
削仍不因官壇不得私受戒法如違所犯僧及本師等
各徒二年配於重處色役如是尼女及年老放杖只勒
還俗若有童子出家亦須顯有分據一訪聞近日有矯
僞之徒依憑佛教誑誘人情或傷割形體或負擔鉗索

或書經於都肆或賣藥於街衢悉是乖訛須行斷絕此
後如有此色之人並委所在街坊巡司糾察準上決配
一此後應是僧尼不計高低於街衢逢見呵殿官寮並
須迴避如有故意違犯者便可收送法司若在身有章
服師號者便委長吏舉奏當行剝奪如無章服者仰所
在擯逐出城若有房院便許別人請射一州城之內村
落之中或有多慕邪宗妄稱聖教或僧尼不辨或男女
混居合黨連羣夜聚明散託宣傳於法會潛縱恣於淫
風若不祛除實爲弊惡此後委所在州府縣鎮及地界

五代會要 卷十二 五
所由巡司節級嚴加懲刺有此色人便仰收捉勘尋關連徒黨並決重杖處死右宜徧降敕三京諸道州府長吏分明曉示逐處管界各令遵守

清泰二年三月兩街功德使奏每年誕聖節諸道州府奏薦僧尼紫衣師號今欲量立條式試講論科講經表白各三科文章應制十三科持念一科禪科聲讚科並於本技能中條貫從之

晉天福二年十二月二日敕節文祠部奏請不置官壇剃度但於皇帝降聖之辰卽於本住處州府陳狀便比試學業勛詳事行不虛則容剃度及取本鄉里五人已上耆宿保明文狀具言已前實是良善兼須結罪如爲僧之後別行惡事卽罪甘連坐如是外來百姓不得輒有容許候剃訖仍具鄉貫姓號申祠部請告牒者當司欲依前敕再舉條流如此後遇皇帝降誕之辰卽於逐州府投狀剃落仍驗所習經業不虛卽具出家因依本居鄉里俗姓法名年幾申省請給告牒始永爲公據若有不遵條理衷私剃度者便委逐州府本判官追收勘責事由不虛其新剃度之人並請重行決斷發遣歸本

鄉里收管色役其元招引師主及保人等先具勘責違犯條流愆罪亦請痛行決斷常住所在仍具流號寺院因由申省如是州府不遵敕命衷私剃度不申請祠部告牒其原行官吏請行朝典奉敕宜依

周廣順二年四月敕永壽節每年諸道節度防禦團練使刺史奏薦僧尼道士紫衣師號今後見任帶使相共奏二人見任防禦團練刺史只許奏一人在朝文武臣寮及前任官今後更不得奏薦

顯德二年五月六日敕條流僧尼畫一如後一今後僧

尼不得私剃頭應有人志願出家者並取父母祖父母處分已孤者取同居伯叔兄處分候聽許方得出家其師主須得本人家長聽許文字方得容受男年十五已上念得經文一百紙或讀得經文五百紙女年十三已上念得經文七十紙或讀得經文三百紙者方得經本州陳狀乞剃頭委錄事參軍本判官試驗經文合敕條者只仰聞奏其未剃頭間留髮髻如有私剃頭者卻勒還俗其本師主徒三年勒還俗役配三年其本寺院三綱知事僧尼杖八十並勒還俗一僧尼今後不得私受

戒只於兩京大名府京兆府青州戒壇候受戒時兩京
委祠部差官引試前項所習經業其大名府等三處戒
壇只委本判官錄事參軍引試合敕條者分析聞奏如
有私受戒者其本人本師主臨壇三綱知事僧尼並同
私剃頭例科罪如引試經業不精輒與剃頭受戒者本
試官當行朝典一應合剃頭受戒人等仰逐處于天清
節一月前具姓名鄉貫寺院年幾及所習經業申奏候
敕下委祠部給付憑由方得剃頭受戒不得非時施行
起今後應有僧尼剃頭受戒無祠部憑由者並勒還俗

一應男子有父母祖父母在別無兒息侍養不聽出家
如違其本師主重行科斷一應曾有犯遭官司刑責之
人及棄背祖父母父母逃亡如奴婢姦人細作惡逆徒
黨山林亡命未獲賊徒負罪潛竄人等並不得出家剃
頭如有寺院輒容受者其本人及師主三綱知事僧尼
鄰房同住僧並仰收捉禁勘申奏取裁其地方巡司官
吏不能覺察者仰概申奏一自前多有逃避軍人投寺
院出家在所僧徒不畏官方便與剃削起今後有向曾
在軍門面帶瑕痕逐處寺院輒敢容受者其本人及師

主三綱知事鄰房同住僧等仰密切收捉禁勘申奏地方官所由不能覺察重行科斷一應有僧尼衷私創置院舍私與人剃頭受戒及容賊盜惡逆徒黨姦細背軍之人輒披剃者其僧俗中有能告官及地方分所由節級自收捉到者以本犯僧尼衣鉢資財充給優賞一應有僧尼俗士自前多有捨身燒臂煉指釘截手足帶鈴燃燈諸般毀壞肢體戲弄道具符篆左道妖惑之類今後一切止絕如有此色人仰所在嚴斷遞配邊遠仍勒歸俗其所犯罪重者準格律處分所有居停寺院知事

僧尼地方廂鎮職員所由公然容縱者重行科斷一應有懷才抱器或武或文寄跡空門莫遂展志其中有願出仕宦者仰逐處長吏發遣赴闕少壯驍勇之人願在軍門者亦仰申奏必當量材錄用若僧尼中有情願歸俗者一切聽許所在不得攪擾

觀

梁開平元年五月六日敕廢雍州太清宮改西都太微宮亳州太清宮皆爲觀諸道州紫極宮並爲老君廟後唐同光元年十月西都太微宮亳州太清宮諸州紫

極宮皆復本名十月西曆太極宮寧獻太極宮清微殿
天成四年十二月敕尊崇聖祖修飾道院既復其名固
難無額宜令所司依舊造上清宮牌額兼京城內金真觀
改爲崇道宮亦準上給換牌額以上清宮久無牌額故也

雜錄

後唐同光元年十二月亳州太清宮奏聖祖元元皇帝
殿枯檜再生枝葉畫圖以進按瀨鄉記唐高祖神堯皇
帝武德二年枯檜重華至
安祿山僭號萎瘁元宗自蜀歸京枝
葉復盛至是再生一杖長二尺餘
天成三年正月中書門下奏準假寧令元元皇帝降聖

節休假三日據續會要準會昌元年二月敕休假一日
伏請準近敕從之

清泰二年三月兩街功德使奏每年誕聖節諸道州府
奏薦道士紫衣師號今欲量立條式經法科試義十道
講論科試經論文章應制科試詩表白科試聲喉聲讚
科試步虛三啟焚修科試齋醮從之

晉天福四年三月遣中書使趙處珙以版詔徵少華山
隱士鄭雲叟玉笥山道士羅隱之爲拾遺不至四月以
雲叟爲右諫議大夫隱之賜號希夷先生雲叟稱疾不

起賜號逍遙先生仍給致仕官俸祿

金吾衛

後唐天成三年六月敕金吾衛每奏左右廂內外並平安有類藩方宜改云軍國內外並平安

屯衛

周廣順二年十二月御史臺奏唐景雲二年改左右屯衛為威衛又唐高宗名治改治書侍御史為御史中丞諸州治中改為司馬蓋臣子避君父名也請諸衛中書舊是屯衛者復舊名從之

京城諸軍

梁開平元年四月改左右長直為左右龍虎軍左右內衛為左右羽林軍左右堅銳夾馬突將為左右神武軍左右親隨軍將馬軍為左右龍驤軍其年九月置左右天興左右廣勝軍仍以親王為軍使

二年十月置左右神捷軍十二月改左右天武為左右龍虎軍左右龍虎為左右天武軍左右天威為左右羽林軍左右羽林為左右天威軍左右英武為左右神武軍左右神武為左右英武軍

前朝置龍虎六軍謂之衛士至是以天武天威英武

等六軍易其軍號而任勛舊焉

後唐長興三年三月敕衛軍神威雄威及魏府廣捷已下指揮宜改為左右羽林置四十指揮每十指揮立為一軍每一軍置都指揮使一人兼分為左右廂

應順元年三月改左右羽林四十指揮為嚴衛左右軍龍武神武四十指揮為捧聖左右軍

清泰元年六月改捧聖馬軍為彰聖左右軍嚴衛步軍為寧衛左右軍

晉天福六年七月改拱宸威和內直軍並為興順至八

月改奉德兩軍為護聖左右軍

周廣順元年四月改侍衛馬軍曰龍捷左右軍步軍曰

虎捷左右軍

御撰其名

顯德元年十月上謂侍臣曰侍衛兵士累朝已來老少相半強懦不分蓋徇人情不能選練今春朕在高平與劉崇及蕃軍相遇臨敵有指使不前者苟非朕親當堅陣幾至喪敗況百戶農夫未能贍一甲士且兵在精不在眾宜令一一點選精銳者升在上軍怯懦者任從安便庶期可用又不虛費

先是上按于高平觀其退縮慨然有懲革之意又以驍勇之士

多為外諸侯所占于是召募天下豪傑不以草澤為阻
進于闕下躬親試閱選武藝超絕及有身首者分署為
殿前諸班因有散員散指揮使內
殿前直散都頭鐵騎控鶴之號

二年十二月改東西小校為東西班承旨其月以新收

復秦鳳州所擒獲川軍署為懷恩軍

四年四月以先降到江南兵士分為六軍共三十指揮

賜號為懷德軍

軍雜錄

後唐同光二年三月敕隨駕收復汴州并扈從到洛京

南郊立仗都將官員自檢校司空已下宜並賜協謀定

亂匡國功臣自檢校僕射尚書常侍至大夫中丞宜並

賜忠勇拱衛功臣其初帶憲銜並賜忠烈功臣已有功

臣名者不在此限其節級長行軍將並賜扈蹕功臣唐元

宗平內難賜衛士葛福順等為唐元功臣不過十數人
德宗駐蹕奉天賜從車駕立功將校為奉天定難功臣
及僖宗昭宗頻年播遷功臣差
多至是徧及戎卒非賞典也其年九月敕如聞藩方

入奏之人多於京內私買衣甲宜令總管司密加覺察

晉天福二年二月敕京及諸道馬步諸軍若長行違

犯便委副將據罪處理如副將十將違犯即委本指揮

使科斷指揮有罪若不出軍即委都指揮使具錄申奏

若行營在外即委行營統領依軍法施行其諸道軍都
在本處者即委本處節度防禦團練使刺史據罪科斷
其年十月敕禁諸道不得擅造器甲

開運元年三月命諸道州府縣點集鄉兵率以稅戶七
家共出一卒兵杖器械共力營之至五月敕諸道新點
鄉兵宜以武定為名至三年正月改武定為天威軍尋
命放散其年十月敕作坊及諸道造作衣甲器械今後
並不得用金銀裝飾

馬

梁開平四年十月頒奪馬令冒禁者罪之

先是梁師攻戰得敵人之

馬必納官故出令命獲者有之

後唐同光三年六月詔下河南河北諸州和市戰馬官

吏除一匹外匿者坐罪

時將討蜀故也

長興元年七月分飛龍院為左右以小馬坊為右飛龍

院

四年十月敕沿邊藩鎮或有蕃部賣馬可擇其良壯者

給券具數以聞

先是上問見管馬數樞密使范延光奏天下常支草粟者近五萬匹見今西北

諸道蕃賣馬者往來如市其郵傳之費市估之直日以四五十貫以臣計之國力十耗其七馬無所使財賦漸

銷朝廷甚非所利
上善之乃降是敕

清泰三年十月敕諸道州府縣鎮賓佐至錄事參軍都
押衙教練使已上各留馬一匹乘騎及鄉村士庶有馬
者無問形勢馬不以牝牡盡皆抄借但勝衣甲並仰印
記差人管押送納其小弱病患者印退字本道收管節
度防禦團練等使刺史除自己馬外不得因便影占管
軍都將除出軍及隨駕外見逐處屯駐者都指揮使舊
有馬許留五匹小指揮使兩匹都頭一匹其餘凡五匹
取兩匹十匹取五匹更多有者並依此例抽取在京文

武百官主軍將校內諸司使已下隨駕職員舊有馬者
任令隨意進納不得影占人私馬各下諸道準此

晉天福九年正月發使於諸道州府括取公私之馬時契

丹入寇上駐軍澶州
以禦之故降是命

漢天福十二年九月詔天下州府和買戰馬

諭

德靖梁贈尚書令廣王全昱

文穆故天下兵馬都元帥吳越王錢元瓘初所司諡曰
莊穆敕改諡

日文

文昭故天策上將軍湖南節度使守尚書令贈太師馬希範

文懿贈尚書令瀛王馮道

文忠太子太保盧質

漢乾祐元年九月其子尚書兵部員外郎盧瓊上章請諡故下太常

武穆故天策上將軍湖南節度使馬殷

武懿贈尚書令秦王高行周

武安贈太師康福

忠敬故秦王李茂貞贈太傅馮行襲

忠肅贈太師王處存贈太師張全義

忠懿故福建節度使閩王王審知贈太師安元信

忠武贈太師晉國公霍彥威故成德軍節度使馬全節

忠正贈中書令鄭仁誨

忠惠贈中書令劉詞

恭靖贈尚書左僕射崔協

恭惠贈中書令李從敏

貞懿贈尚書令羅紹威

貞憲贈左武衛上將軍張承業

貞惠贈太子少傅朱漢賓

太常博士林弼議曰漢賓散已俸代逋欠俾國家躋富庶

所莅之地綽有政聲知進退存亡之理得善始令終之道謹按諡法中道不撓保節揚名曰貞愛民好學寬裕慈仁曰惠請諡曰貞惠從之

成穆贈侍中安審信

雜錄

漢乾祐二年十二月敕故荆南節度使南平王高從誨

宜令太常定諡

故事臣下請諡故吏陳行狀上考功覆奏下乃議諡今降敕新例也

當直

梁開平四年正月敕其逐日當直中書舍人及吏部兵

部司敕知印郎官少府監及篆印文兼書寫告身入吏等並宜輪次于中書側近止宿

休假

後唐天成四年五月四日度支奏準敕中書門下奏朝臣時有乞假觀省者欲量賜茶藥奉敕宜依者切緣諸班官班省司不見品秩高低兼未則例難議施行各令據官品等第指揮文班左右常侍諫議給事舍人諸行尚書太子賓客諸寺太卿國子監祭酒詹事左右丞諸行侍郎宜各賜蜀茶三斤起居拾遺補闕侍御史殿中

五代會要 卷十二
七
監察御史左右庶子諸寺少卿國子監司業河南少尹
左右諭德諸行郎中員外郎太常博士宜各賜蜀茶二
斤蠟面茶二斤草豆穀一百枝肉豆穀五十枝青木香
一斤半國子博士五經博士兩縣令著作郎太常宗正
殿中丞諸局奉御大理正太子中允洗馬左右贊善太
子中舍司天五官正宜各賜蜀茶二斤蠟面茶一斤草
豆穀五十枝肉豆穀五十枝青木香一斤武班左右金
吾上將軍左右諸衛上將軍宜各賜蜀茶三斤蠟面茶
二斤草豆穀一百枝肉豆穀一百枝青木香二斤左右

諸衛大將軍左右諸衛將軍宜各賜蜀茶二斤蠟面茶
二斤草豆穀一百枝肉豆穀五十枝青木香一斤半左
右率府副率宜各賜蜀茶二斤蠟面茶一斤草豆穀五
十枝肉豆穀五十枝青木香一斤奉敕今後或有臣僚
請假覲省其所賜茶藥候辭朝之日於閣門宣賜至晉
天福二年九月度支奏朝臣請假覲省出入皆有支賜
茶藥今緣諸庫無見在伏乞權罷從之至五年三月敕
朝臣請假覲省依天成四年敕支賜茶藥

晉天福二年十一月中書門下奏按六典尙書吏部凡

職事官應覲省及稱病不得過程謂身有疾病滿百日若所親疾病滿二百日及當時解官申省以聞其應侍人材用灼然要藉驅使者得帶官侍養又準雜令諸外官授給裝束假去所授官一千里內者四十日二千里內者五十日三千里內者六十日四千里內者七十日過四千里者八十日並除程其假內欲赴任者聽之若有事須早還者不用此令若京官身先在外者裝束假減外官之半敕準令典處分

醫術

後唐清泰三年三月翰林學士和凝奏天下諸屯駐兵士望令太醫署合傷寒時氣瘧痢等藥量事給付本軍主掌以給患病士卒之家百姓亦準醫疾令和合藥物拯救貧民兼請依本朝故事諸道署置藥博士令考尋醫方和合藥物以濟部人其御製廣濟廣利等方書亦請翰林醫官重校頒行天下敕所奏醫博士諸道合有軍醫許及諸道補署不在奏聞餘依所奏

五代會要卷十二

梁開平五年二月勅食人之食者憂人之事況丞相尊
 位參決大政而堂封未給且無餐錢朕甚愧之宜令日
 食萬錢之半
 乾化二年十月加宰相俸至二百千命豐德庫逐月以
 見錢給之
 後唐天成四年八月勅朝廷每有將相恩命准往例諸

五代會要卷十三

宋

王

溥

撰

中書門下

起請雜
條附

梁開平五年二月勅食人之食者憂人之事況丞相尊
 位參決大政而堂封未給且無餐錢朕甚愧之宜令日
 食萬錢之半
 乾化二年十月加宰相俸至二百千命豐德庫逐月以
 見錢給之
 後唐天成四年八月勅朝廷每有將相恩命准往例諸

道節度使帶平章事兼侍中中書令並列銜於勅牒後側書使字今兩浙節度使錢鏐是元帥尚父與使相名殊承前列銜久未改正湖南節度使馬殷先兼中書令之時理宜齒於相位今守太師尚書令是南省官資不合列署勅尾今後每署將相勅牒宜落下錢鏐馬殷官位仍永爲常式

長興四年九月勅馮贇有經邦之茂業宜進位於公台但緣平章字犯其父名不欲斥其家諱可改同平章事爲同中書門下二品

清泰元年五月宰臣劉昫奏中書以近勅祠祭行事官致齋內唯祀事得行其餘悉斷又宰臣行事致齋內不押班不赴內殿起居不知印臣緣判三司公事其祀事國忌行香伏乞特免從之

二年三月宰臣張延朗奏臣判三司事每日內殿祇候其合綴前班押班伏乞特免從之

晉天福四年八月勅皇圖革故庶政惟新宜設規程以諧公其其中書知印祇委上位宰臣一員

五年二月升中書門下平章事爲正二品其年三月勅

中書門下五品以上官於兩省上事宰臣押角之禮宜廢之

起請雜錄

後唐同光二年五月中書門下奏凡有進狀乞官及應諸州府奏請判官薦舉前資自詣中書求官等所稱頭銜多有逾越中書既無舊案除授何以爲憑起今後凡有諸色前資若合命官者除近曾任朝官及有科第歷清資官爲眾所知外並須追到前任告勅中書點檢方可進擬從之

長興元年五月中書門下奏今後凡是在京及諸州府判官得替一年後則得求官擢材特勅勿以爲例從之清泰二年八月中書門下上言前太卿監五品升朝官西班牙將軍皆在任許滿二十五月如得替已經二十月卽別任用少卿監舊例三任四任方入太卿監五品三任四任方入少卿監今後並祇三任逐任須月限滿無殿責者便入此官西班牙將軍罷任一年許求官舊例三任四任方入大將軍今祇以三任爲限三任大將軍方入上將軍並須逐任滿月限無殿責或曾任金吾將軍

五仁會要 卷十三
街使藩鎮刺史特勅並不拘此例諸道除兩使判官外
書記已下任自辟請應朝官除外任罷任後一年方許
陳乞諸道賓席未曾升朝者若官兼三院御史卽除中
下縣令若兼大夫中丞秘書少監郎中員外郎與清資
初任升朝官檢校官至尙書常侍秘書監庶子升朝便
與少卿監諸州防禦團練判官推官並許本州辟請中
書不更除授應出選門官帶三院御史供奉裏行及省
衙罷任後周年許陳乞諸州別駕不除令錄仍守本官
月限得替後一年許陳乞長史司馬因攝奏正比未有

官者送名從之

三年五月勅近以內外臣寮出入迭處稍均勞逸免滯
轉遷應兩使判官畿赤令長取郎中員外郎補闕拾遺
三丞五博少列宮寮選擇擢任一則俾藩方侯伯別耀
賓階次則致朝列人臣備諳時政今後或偶闕員依此
施行

晉天福二年正月勅今後應朝臣中有藉才特除外任
者秩滿無遺闕將來擬官之時在外一任同在朝一任
其陳乞外職及不是特勅不在此限

門下省

後唐天成元年九月二十五日門下中書兩省狀准舊例檢校官合納光省禮錢伏見尙書省檢校官禮錢近降勅命除翊衛勛庸藩垣將佐外其餘不帶平章事節度使及防禦團練刺史諸道副使郎中已下并三司職掌監院官縣令錄事參軍判官等凡闕此例並可徵收者伏緣省司舊例別無錢物祇徵禮錢以充公廨破使蓋值離亂致失規繩即日縱有檢校官未奉勅命許令依舊徵理其檢校左右散騎常侍乞依尙書省除翊衛

勛庸藩垣將佐外並許徵收所冀朝廷故事免失於根源省閣舊儀長存於規制謹具本朝元徵舊例錢數乞奏聞者中書約本省舊徵禮錢及蠲減錢數如左防禦團練刺史諸道郎官三司職掌檢校左右散騎常侍舊例各納錢一十五千今減外各納錢五千兩府及次府少尹左右司馬別駕長史舊例各納錢一十千今減外各納錢四千諸道將校舊例納錢五千今減外各納錢三千都押衙至大將軍各納錢五千今減外各納錢二千五百進奏官各納錢二千其餘都頭指揮使已下並

五
與免放右奉勅宜令門下中書兩省准此逐月具數申
中書門下

長興元年十一月給事中崔衍奏當省給納諸州銅魚
勘問本行令史將狀稱內庫每州銅魚一隻長留在內
一隻在本州庫逐季申報平安左魚五隻皆鐫次第字
號每新除刺史到郡後遣人到省請合左魚當司覆奏
內庫次第出給左魚一隻到州集官吏取州庫右魚契
合卻差人送左魚納省如別除刺史班司又請次第左
魚周而復始臣以州司差人往來須有煩費今後所除

刺史在京受命或經過都城者可令自牒當省請左魚
本州契合後差人納省從之
周顯德六年三月勅諸道牧守每遇除移特降制書何
假符契其請納銅魚宜廢之

晉天福七年五月詔應諸色進策人等皆抱才能方來
贄獻宜加明試俾盡臧謀今後應進策中書奏覆勅下
委門下省試策三道仍定上中下三等如元進策內有
施行者其所試策或上或中者委門下省給與減選或
出身優牒合格選目其試策上者委銓司超一資注擬

王休會要 卷十三
其試策中者委銓司依資注擬如所試策或上或中元
進策內不曾施行所試策下元進策內曾有施行者其
本官並仰量與恩賜發遣若或所試策下所進策內並
不施行便仰曉示發遣不得再有投進餘准前後勅處
分

中書省

後唐天成元年十二月二十三日中書奏伏准故事應
諸道節度使凡帶平章事宜於中書都堂上事禮絕百
寮等威無異刊石紀壁以列姓名事係殊恩慶垂後裔

舊例赴鎮後合納禮錢一千貫充中書及兩省公使伏
自近來全隳往例今皇綱再整墜典咸修合舉成規冀
將集事臣等商量今請諸道藩鎮帶平章事處各納禮
錢五百千中書建立石亭子一所鐫紀宰臣使相爵位
姓名授上年月其所餘錢請充中書修建公署及添置
都堂內鋪陳什物勅從之

四年四月二十一日勅諸道節度使帶平章事兼侍中
中書令在京則中書差直省一員引接及赴鎮擬合追
還緣使相在京百官請謁須差直省引接兼街衢出入

或恐朝列誤衝及到本道自有客司通引官引接其從
榮從厚雖爲皇子職本侯王王建立孔循曾掌樞衡見
居藩鎮況諸道使相無直省者甚多其到青州許州先
將去直省並宜追還中書

清泰二年二月中書奏近日除官制書未下已多漏洩
此後除改候書下所司以正勅寫官告進納如畫黃未
下請不催素勅節度防禦團練使刺史行軍副使等事
關急切除授官告若待書下給賜卽恐滯留勅樞密院
凡經由處不得漏洩其尋常除命依中書所奏

門下侍郎

晉天福五年二月勅以門下侍郎爲清望正三品
七年二月勅門下侍郎班位宜在左右散騎常侍之下
其俸給考限依左右散騎常侍例

中書侍郎

晉天福五年二月勅以中書侍郎爲清望正三品

中書舍人

後唐清泰二年十一月勅中書舍人所撰誥詞當以其
人敦厯功效分明訓獎以代王言

晉天福五年九月詔曰六典云中書舍人掌侍奉進奏參議表章凡詔旨制勅璽書策命皆按故事起草進畫既下則署而行之其禁有四一曰漏洩二曰稽緩三曰違失四曰忘誤所以重王命也古昔已來典實斯在爰從近代別創新名今運屬興王事宜師古俾仍舊貫以耀前規其翰林學士院公事宜並歸中書舍人開運元年六月詔依舊置翰林學士院其中書舍人公事准舊日施行

諫議大夫

晉天福五年二月以左右諫議大夫為清望正四品

周顯德五年六月勅諫議大夫宜依舊正五品上仍班

位在給事中之下按唐典諫議大夫四員正五品上皆

二年十一月中書門下奏升為正四品下仍分為左右以備兩省四品之闕故其班亦升在給事中之上近朝自諫議大夫拜給事中者官雖序遷位則降等至是以其遷次不倫故改正焉

起居郎起居舍人

後唐天成四年十二月尚書比部員外郎崔稅奏請自今後每遇起居令左右史隨宰臣上殿各齎紙筆分侍冕旒或階下發一德音宰臣陳一時政事無大小皆令

編錄季終即送史館

左右史古官也唐朝改為起居舊制每視朝即左右史兩員以短卷

牋紙執筆趨立於聽政殿之螭首下或聞君之言動每舉必書之洎莊宗中興月朔入閣左右史夾香案對立

但不持紙筆自後雖命其官故事皆廢

長興二年八月勅准故事應朝廷凡行制勅並宜令起居院抄錄關送史館

周廣順二年十一月詔逐月給紙五百幅付起居院

符寶郎

符寶郎

晉天福三年六月中書門下奏准勅製皇帝受命寶今

按唐貞觀十六年太宗文皇帝刻之元璽白玉為螭首

其文曰皇帝景命有德者昌勅宜以受天明命惟德允昌為文刻之

周廣順三年二月內司製國寶兩坐詔太常具制度以

聞有司奏按唐六典符寶郎掌天子八寶其一曰神寶

其二曰受命寶其神寶方六寸高四寸六分厚一寸七

分蟠龍紐文與傳國寶同傳國寶秦始皇帝以藍田玉

刻之李斯篆文方四寸面文曰受命于天既壽永昌紐

盤五龍二寶歷代相傳以為神器又別有六寶一曰皇

帝行璽二曰皇帝之璽三曰皇帝信璽四曰天子行璽

五曰皇帝之璽

五日天子之璽六曰天子信璽此六寶因文為名並白玉螭虎紐歷代相傳亡則補之北朝鑄之以金至則天朝以璽字涉嫌改之為寶貞觀十六年別製元璽一坐其文曰皇天景命有德者昌白玉螭虎紐同光中製寶一坐文曰皇帝受命之寶晉天福四年製寶一坐文曰皇帝神寶其同光天福二寶內司製造不見紐象并尺寸制度勅今製國寶兩坐宜用白玉方六寸螭虎紐詔馮道書寶文其一以皇帝承天受命之寶為文其一以皇帝神寶為文

按傳國寶自秦始皇後歷代傳受至唐末帝自燔之際以寶隨身焚焉晉高祖

受命特製寶一坐開運末北戎犯闕少帝遣其子延煦送于戎王戎王訝其非真少帝上表具述其事及戎王北歸齎以入蕃漢朝二帝未暇別製至是始創為之

城門郎

梁開平元年五月改城門郎為門局郎至後唐同光元年十一月卻改為城門郎

金鑾殿學士

梁開平三年正月改思政殿為金鑾殿至乾化元年五月置大學士一員始命崇政院使敬翔為之

前朝因金鑾殿以爲

門名與翰林院相接故為學士者稱金鑾以美之今以金鑾為名非典也大學士與三館大學士同

端明殿學士

後唐天成元年五月勅翰林學士尚書戶部侍郎知制誥馮道翰林學士中書舍人趙鳳俱以本官充端明殿學士非舊制也上初登位每四方書奏多令樞密使安重誨讀之不曉文義于是孔循獻議因唐室侍讀之號即創端明殿學士之名命馮道等為之

二年正月勅端明殿學士宜令班在翰林學士上今後如有轉改祇於翰林學士內選任初置端明殿學士名目如三館之例職在官下及趙鳳轉侍郎遣人諷任園移職在官上至今為例

翰林院

梁開平二年十二月以前進士鄭致雍為翰林學士非常例也

後唐同光元年四月置護鑾書制學士以尚書倉部員外郎趙鳳為之時莊宗初建號故特立此名非故事也

二年七月以侍省內給事楊彥珞充學士院使其年八月賜翰林學士承旨戶部尚書盧質論思匡佐功臣非常例也

天成三年八月二十九日勅掌綸之任擢材以居或自初命而升或自顯秩而授蓋重厥職靡繫其官雖事任

皆同而行綴或異誠由往日未有定制議官位則上下不常論職次則後先未當宜行顯命以正近班今後翰林學士入院並以先後爲定准承旨一員出自朕意不計官資先後在學士之上仍編入翰林志其年十二月二日學士院記事樞密院近送到權知高麗國諸軍事王建表今賜詔書者其高麗國未曾有人使到闕院中並無彼國詔書式樣未審呼卿呼汝兼使何色紙書寫及封裏事例伏請特賜參酌詳定報院者中書帖太常禮院林祈申堂據狀申謹案本朝太宗皇帝親平其國

後不立後嗣是以祇書新羅國請約賜新羅國王書詔體樣修寫奉勅賜高麗國書詔宜依賜新羅渤海兩蕃書詔體樣修寫

長興元年二月翰林學士劉昫奏臣伏見本院舊例學士入院除中書舍人卽不試餘官皆先試麻制答蕃批答各一道詩賦各一道號曰五題所試并于當日內了便具呈納從前雖有召試之名而無考校之實每遇召試新學士日或有援者皆預出五題潛令宿構無援者卽日起草罕能成功去留皆係于梯媒得失盡歸于偏

黨今後凡本院召試新學士欲請權停試詩賦祇試麻制答共三道仍請內賜題目兼定字數付本院召試從之

晉天福二年四月中書奏准翰林志凡赦書德音立后建儲行大誅討拜免三公宰相命將制書並使白麻書不使印雙日起草候開門鑰入而後進呈至隻日百僚立班于宣政殿樞密使引案白東上閣門出若拜免宰相即便付通事舍人餘付中書門下並通事舍人宣示若機務急速亦使雙日甚速者雖休假亦追班宣示勅

據翰林志言立后不言立妃言儲君不言親王公主兼三師位在三公之上文並不載今後立妃及拜免三公宰相命將封親王公主並降制命餘從合式其年十一月勅新除翰林學士張昭遠早踐綸闈久司史筆曾居憲府累涉貳卿今既擢在禁林所宜別宣班序其立位宜次崔稅

五年九月勅廢翰林學士院其公事並歸中書舍人開運元年六月勅翰林學士與中書舍人舊分爲兩制各置六員偶自近年權停內署況司詔命必在深嚴將

使從宜卻仍舊貫宜復置翰林學士院至三年正月賜翰林學士院詔書金印一面

周顯德三年八月宣翰林學士院今後凡與諸侯王詔書除本名外其文詞內有與其名同者宜改避之

五年十一月詔曰翰林學士職係禁庭地居親近與班行而既異在朝請以宜殊起今後當直下直學士並宜

合逐日起居其當直學士仍赴晚朝舊例翰林學士與常參官五日一度

起居世宗欲朝夕賜見訪以時事故有是詔

五代會要卷十三

五代會要卷十四

宋

尚書省

後唐天成元年七月二十七日尚書省准堂帖應內外帶職除官自三公至郎官合納禮錢送尚書省都司具舊例如左檢校太師太尉舊例各合納錢四十千准蠲減外今各合納錢二十千檢校太傅太保舊例各納錢三十千減外今納十五千檢校司徒司空舊例各納錢二十千減外今納一十千檢校僕射尚書舊例各納錢

一十五千減外今納七千檢校郎中員外郎舊例各納錢一十千減外今納三千四百勅會府華資皇朝寵秩凡霑新命合納禮錢爰自近年全隳舊例方當提舉宜振規繩其閒除翊衛勛庸藩垣將佐自軍功遷陟外其餘自不帶平章事節度使及防禦團練刺史諸道副使判官已下三司職掌監院官縣令錄事參軍判官等凡關此例並可徵納其檢校官自員外郎至左僕射祇取初轉一任納錢若未改呼不更徵納仍委尙書省都司逐月具數申中書門下

尙書令

梁開平三年三月升爲正一品

左右僕射

後唐天成二年八月中書門下奏據新授尙書右僕射李琪狀准舊例上事日合有恩賜百官酒食具載開元禮文者尋下太常禮院檢開元禮祇有從太師已下至六部尙書太常卿太子詹事諸衛大將軍京兆河南牧上州刺史受冊拜廟各就本司禮上無中書門下送上之文亦無恩賜酒食之事又檢禮閣新儀並不載諸品

大臣上事禮例唯僕射初上見羣僚輕重之禮唯元和六年御史中丞竇易直奏七年尚書左丞段平仲奏太和四年中書奏覆下太常禮院并尚書省詳議終未能定大凡禮上爲領本司公事及與官僚相會并受人吏參賀內外無異前後皆同李琪尋會羣僚不稱新授已領公事已請料錢更引上儀卽非通制今請李琪任便赴省發遣公事今後文武兩班受恩命者不計高卑未領事不得擅落新授字及便請料錢內廷學士中書舍人不在此限從之

長興四年十一月新授尚書右僕射盧質奏臣忝除官合赴省上事若准舊例左右僕射上事儀注所費極多欲從權務簡祇取尚書丞郎上事例止集南省屬僚及兩省官送上亦不敢輒援往例有廢官中自量力排比兼不敢自臣隳廢舊規他時任行舊制從之

左右丞

梁開平二年四月改爲左右司侍郎

避廟諱也至後唐同光元年十一月

復舊爲左右丞

後唐長興元年九月升尚書右丞官品與尚書左丞並

爲正四品

吏部

後唐同光二年正月，中書門下奏准本朝故事，如封建諸王內命婦及宰相翰林學士中書舍人諸道節度觀察團練防禦留後官告，卽中書帖吏部官告院索綾紙標軸下所司修寫印署畢，進入內宣賜其文武兩班并諸道官員及奏薦將校勅下後，並合是本道進奏院或本人自於所司送納朱膠綾紙價錢，各請出給。今後請除內司大官并侍衛及賞軍功將校轉官外，並請官中

不給告勅從之

三年正月，勅吏部今後特恩授官侍衛軍功改轉內廷諸司帶職外來進奉受官綾紙，並宜官給舊例朱膠一切停廢，禮錢亦不徵取。又慮所司人吏不辦食直糧課，逐月兩司各支錢四十千，至於臺省禮錢，宜特蠲減比舊數五分許，徵一分。其特恩已下，不得徵納禮錢。仍令中書門下條流勅畫經過諸司，不得停滯其官告。若是宣旨除授及品秩合進呈者，准例進內，餘並送納中書門下點檢，給付勅畫到本司十通已上，官告限三日內

印署三十通已上限五日五十通已上中書門下與限催促如臨時緩急宣賜不拘此限

天成元年七月中書奏近奉宣旨使府判官州縣官告身勅牒今後據通數進納仍令祇候宣賜者舊例朝廷命官除將相外並不宣賜官告因僞朝條流凡准宣授官卽特恩頒賜今使府判官皆許本道奏請或聞多在京師至於令錄悉是放勅後本官自於吏部出給告勅中書不便管係臣等商量自兩使判官州縣令錄在京除授卽望令於內殿謝官便辭赴任不更進納官告其

判司主簿不合更許朝對勅下後望准舊例處分從之
二年四月二十四日勅兵吏部應出給書寫印署官告其本曹郎中令自今後于本官幕次當直候知印宰相當制舍人出授卽歸人吏並勒隨本官祇候仍下度支逐日量破食料其本行尚書侍郎左右丞等每日赴朝遇行勅旋旋印署發遣免至公事淹延

三年十一月吏部奏流外官今後祇考年勞乞不試判從之

四年十一月勅今後應是官告除准宣破外其陳乞除

五代會要 卷十四 五
官并追封追贈敘封進封官告及舉人冬集綾紙羅標
軸錦袋等宜令並與官破仍勒各隨色樣尺寸如法裝
修疾連書寫印署進納其月勅應諸道州府令錄等官
告勅牒元是中書進納入內令閣門宣賜其判官主簿
官告舊是所司發遣受恩今後赴本任地理遠近各有
程限比候進納恐有停滯況綾紙標軸價錢近已官破
今後所除州縣官告身勅牒宜令中書門下指揮不要
進納並委宰臣當面給付
長興二年閏五月十九日吏部狀奏當司制勅甲庫專

知官一例近停廢者伏緣當司主掌制勅甲庫與三庫
不同常日檢尋諸司取證稍有差繆所失非輕無人主
持必虞敗闕今欲於吏部令史內選差一員句當又緣
公事至重仍遣別不執行他事兼乞除本役外特與減
二年勞考者奉勅宜依其中書省門下省兵部甲庫公
事亦准此

司封

後唐同光二年九月二十八日奏當司奉今年三月二
十八日勅內外文武官母妻可據品秩高卑封邑號者

五代會要 卷十四
當司檢會舊起請敘封條貫如後一准舊條應內外文
武及致仕官母妻敘封進封邑號者或遇特勅別加獎
封外其餘官據官階齊五品母爲縣太君妻爲縣君官
階齊四品進封母爲郡太君妻爲郡君官階齊三品母
進封爲郡太夫人妻爲郡夫人如未經封邑雖位至三
品亦以從初品敘近年多於所司陳狀便請依官品敘
封旣非特勅恐失舊規其所請准例封並請依格條施
行一准舊例應外任其上州刺史或帶使額都督府在
京軍諸衛將軍小將軍以上初任聽准例各與母妻依

品第敘封其東宮雜五品初任升朝并中下州刺史並
許至第二任敘封如自班行及遙郡除授中下州刺史
者同已兩卽許聽敘其他並請准例一諸道節度副使
節察兩使判官先准起請節文如曾任五品已上升朝
官聽敘封緣帶使職不合與諸色帶職官同列自今後
如全未經封者許與母妻一度封敘邑號仍須官階合
格如更除授歸班官領郡符卽許進封如守職就加官
階不在進封之限今又伏見諸道有奏置行軍司馬并
參謀者其職位實在副倅之上自此是曾任升朝官并

刺史者亦請節度副使并兩使判官例處分一前資官請與母妻封進邑號或多積歲或曾經殿累停替皆妄有申請當司請各立年限其邑號得替後一年內聽敘一年外并殿累外未改頭銜並不在申請之限一應諸色官請與母妻敘封邑號者竊緣先有文武官授官勅申并先封邑號勅申累經散失無憑檢詳近者多是身在他處守官於所司投下公狀則削去現在頭銜卻稱前任官品若當司便與申奏則勅下後所給告牒年月不同自此請准前後起請節文如省司失墜勅申者京

官引驗本官告身勅牒及母妻前封邑號告身勅牒如同失墜卽磨勘歷任如官序顯著參詳前封不虛卽取登朝官三員充保仍須結罪使印方與進封如是曾任節度觀察團練經略防禦刺史等則責本道進奏知後院狀入案刺史無知後院卽取使府進奏官狀并准京官例取登朝官三員充保其五府少尹左右司馬外道帶職官等若自班行除授卽准京官例檢勘若自本道奏薦卽准節度使已下至刺史取進奏官狀詳驗如無保狀具歷任經堂陳述候裁下點檢訖卽卻勒從初封

叙如進擬後再勘及有人糾告稱官階及前封邑號謬
妄并在官雜帶職官違礙條格亦自落職名請敘封者
其本官具名銜申奏其陳狀句當人申堂取裁其諸色
官並各守條限指揮其句當人如與外州府刺史諸色
官句當者卽須繫外州府職名其所通狀仍須具鄉貫
兼取本道進奏官連署識認使本道進奏院印方可施
行如是京官下句當人不繫見任前資並須是本任官
司局人吏句當仍於狀內分明豎出某司印兼委本行
令史署保如違格條不在施行之限一應升朝並諸州

刺史左右司馬五府少尹凡與母妻封邑號事其中或
有進奏官句當人纔勅下便經省陳乞封敘當司若便
施行又慮卻有追改稍或逗撓卽緣恩命已行官階合
格前後起請節文未曾條制自今後京官或身在京除
授外官者并在外除授或帶職或諸道奏薦受官階品
職銜合格者不繫四品五品已上候印給告身畢日將
至當司引驗方許據狀封敘一應諸色官階合格後卻
受陵臺合州縣官或帶諸雜散職或授場監職銜有礙
格條者卻卽引前任階銜論若一例施行恐紊條式自

五代會要 卷十四
此後須待再授官階相當卽許敘使不在以見任不合
格例官銜請論進擬之限一准舊例應諸衛小將軍上
中下等州刺史都督使額母妻封至郡君並止縱檢校
官或階爵至三品亦不在論請進封之限如是防禦團
練經略等使已上階至三品許至郡夫人郡太夫人其
餘諸色官並請各循元格階品一准舊條應外任除五
府少尹諸州刺史封敘外其左右司馬與長史別駕一
例釐革不許敘封自後諸道論請不絕今勘會大都督
左右司馬與五府少尹資序不殊自今後請准五府少

尹例特許敘封仍須檢勘出身不礙正條方與團奏餘
並依元起請條流一准往例諸道上州長馬別駕陵臺
令率府諸衛郎將中郎將司天五官正雖是五品並不
在封敘之限其大理正先有起請不許緣是次對官卽
與五官正不同今請同諸五品例施行一諸色官請與
母妻進封邑號准舊例若遇改官加階爵或加檢校官
者勒句當人于狀內豎出所加官轉階年月當司檢勘
不虛卽與進封如不遇改官轉階不在進封之限一文
武官封王爵邑加實封准舊例合司封印給勅牒告身

五代會要 卷十四
自離亂以來兵吏部多錯誤印給若是因檢校官加階或因除正官便封爵邑加實封者便以文爲首卽合兵吏部印給如迴封爵邑實封或封王事在司封印給請准例處分一文武常朝官初請與母妻封邑經都省發狀後當司驗本官告身勅牒伏緣近日多不便出告身遂致無憑引證自此除當司檢兵吏部甲庫勘受官年月日勅頭外請許通納前任告身或兩司料錢厯子分明不虛并子案牒送門下省詳驗申奏一當司所給王公封爵承襲告身如帶同中書門下使色背金花綾紙

如節察不帶使相者白背金花綾羅紙已下諸官並使白綾紙其追封并邑號則不係品位高卑並使色背金花羅紙其紙面除內出翰林修寫告身外不得輒畫龍鳳又除堂封送到書及國夫人已下敘封告身外當司所給諸色官員告牒焚黃等諸選定書寫吏人并所供綾羅紙三人各錄姓名入案及給牒知使省號印子爲驗貴免參雜勅宜依

長興二年十月勅在朝臣僚及藩侯郡守據禮例合追贈者新授命後便於所司投狀旋與施行自中興以來

外官曾任朝班據在朝時品秩格例合得封贈敘封未
霑恩命者並與施行其敘封妻室品蔭子孫仍令所司
一一具格式申奏其或應得而不與應不得而與之罪
在所司

晉天福二年四月中書門下奏准二月二十六日勅內
外臣僚亡父母祖父母據品秩未封贈者與封贈已封
贈者三代更加恩命按舊制一品官亡父已上三代約
其子官品第降一等亡母追封國號祖母已上第降一
等勅其內外准勅合與三代已下封贈者並以見居官

品比擬不得第降付中書門下准此其年十二月勅應
內外文武臣僚父母在如子品秩及格各與加恩若在
朝列者父與致仕官母與敘封郡邑號其外四品以上
節度團練防禦使刺史父與致仕官其餘與同正官母
與敘封郡邑號如內外官父已有致仕官及同正官母
已曾敘封子品高者更與加進如父有職官者不在此
限餘准格文處分

漢天福十二年九月尙書司封奏當司合行事件如後
皇太后三代祖母並追封國太夫人皇太子三代外祖

母宗室郡國王曾祖母亦追封國太夫人中書門下二品及平章事在朝正一品官使相曾祖母祖母亡並追封國太夫人如母在敘封母爲國太夫人妻爲國夫人已上並在東宮一品尙書省二品不帶平章事留守節度使祖母並許追封郡太夫人止如母在敘封母爲郡太夫人妻爲郡夫人止如曾任皇朝將相已經追封三代祖父母及已封國太夫人者依舊施行東宮二品西班二品尙書省三品御史大夫中書門下侍郎太常卿亡母並追封郡太夫人止如母在敘封爲郡太夫人妻

爲郡夫人止如曾任皇朝將相已經追封三代兩代祖父母及已封國太夫人者依舊施行母應致仕官如未致仕日曾任五品已上正官合得敘封者與據品秩施行嫡母正室卽許封敘如非嫡繼及正室不在論請封敘之限應諸色官請與母妻敘封須候官階齊卽得如官及所封官高並許施行勅從之

乾祐元年二月二十九日勅應內外文武官員有父母見在合得加恩敘封者不在官階品齊但見居官品合與父加恩母敘封進封者便與施行餘准前勅其年七

五月三日尚書省奏准赦書節文在朝文武臣僚父母在者並與進封內有父在見任官母合敘封否中書帖吏部廢置司令具新舊勅例父在見守官得承子蔭加恩及父在母敘封追封合加太字事例申上吏部廢置司以前後格勅內祇言父母許與加恩卽不說父在見守官及前任得承子蔭加恩例司封以檢詳前後勅例凡母皆加太字存歿並同卽不說父在不加太字近例有中書舍人艾穎于天福五年十二月任殿中侍御史父在繼母李封縣君不加太字尚書司門郎中尹偃于天

福八年三月任尚書倉部員外郎父在母宋封縣君不加太字奉勅應內外臣僚如父准恩勅合承子蔭加恩者父未曾有官卽量與致仕官見任亦自該恩赦又難用子蔭如已去任願授致仕官者亦可施行卽不得就加恩命其父在母承子蔭敘封追封合加太字與不合加雖有艾穎尹偃近例恐是一時特恩別無勅例宜令尚書省集議奏聞永爲常式尚書省奏議曰臣等詳本司前後勅條凡母皆加太字存歿並同此卽是父歿母存卽敘封進封內加太字母歿追封亦加太字故云存

歿並同若是父在據勅格不載爲母加太字之文若以近勅因子貴與父命官父自有官卽妻從夫品可以封妻父在不合以其子蔭加母太字若雖有因子之官其品尙卑未得蔭妻敘封亦不合用子蔭之限從之

司勳

後唐天成三年五月十九日勅近代已來文臣官階稍高便授柱國歲月未深便轉上柱國武資初官便授上柱國官爵非無次第階勳備有等差宜自此時重修舊制今後加勳先自武騎尉經一十二轉方授上柱國仍

永爲常式

清泰元年八月尙書司勳郎李盈休奏近日朝廷凡初敘勳便至柱國臣伏見本朝位至宰輔藩鎮其勳皆自初敘蓋欲示人敷歷功用之重也勳格自武騎尉七品至柱國正二品凡十二轉今從羣官得敘封者並請自武騎尉依次從之

五代會要卷十四

此處為正文內容，因文字模糊，無法辨識。

